

漑

堂

詩

集

凝堂前集卷之二

焦穫孫枝蔚豹人著

五言古詩

答方聖羽見懷起句用陶詩開歲條五日庚子

開歲條五日一鳥鳴前軒  
愚生孔顏後豈不賴空言  
白髮如春草誰實滋其根  
念茲忽不樂永晝增愁煩  
謝我平生友書札及蓬門  
高年多至性視我如弟昆  
賦詩和且平謗若東風溫  
一官不周饑常懷六經恩  
首荷有溪味肉食難可論  
時偕二三子何必車馬喧  
隱顯貴自力千載庶長存  
敢學陶淵明汲汲但盈樽

無酒

秋花爛春色常軒自芬芳撫景情不怡出入以傍徨頭  
上既白盡髭間復成霜丈夫空有身乞米失昂藏無錢  
沽濁醪何以慰饑腸稚兒勤誦讀音節更琅琅聽之使  
人愁詩書非餽糧恐此再誤汝不如肆農商苦懷難卒  
語攢糾坐空牀枕簟有盛德庶賴見義皇節我肢體疲  
省我奔走忪較量醉夢間二者孰爲良不得爲王績且  
復記厖鄉舊傳貧賤人僵眠終可傷

有子不使仕親戚笑我愚追念平生友仕者半已徂大  
義匪敢言聊以保兒軀無魚人不憂但恨酒難沽父子  
還相慰醉飽非良圖傾身營口腹死人滿通衢

送方聖羽還山

出處貴有道達人善寄托大隱雖云佳見幾誰先作伶  
官尚可爲茲意亦太謫哀哉尼山叟皇天命司鐸不得  
爲稷契委吏等擊柝世運使之然何損疏水樂大聖且  
如此寧當甘寂寞賢哉方聖羽幡然念負郭當其就廣  
文志不違猿鶴今茲棄如屣明珠慎彈鵲臨行當有贈  
一言勸觴酌鄭虔擅三絕冷官良不惡如何不早歸臨  
老有愧忤嚴譴向萬里同人淚紛落此豈非名賢失計  
慙丘壑君歸當九月菊花方爛若人生但自適南山有  
豆蘓與時如相思更與江湖約

昔君來江都所喜良友俱令弟贈以詩止謂爾美言如隋  
珠非仕復非隱相勸保桑榆居官五六載往還皆酒徒

就中更愛予念其爲腐儒風雨共一鰓魚筭費庖厨君  
初癖香山予亦工步趨繼予學建安辛苦作者途復得  
蒙欣賞謂足關榛蕪施愚山曰作  
者自有原本經過文選樓古樹多  
栖鳥用心千年後何補衣與襦但當對南窗努力酒盈  
壺況君年更老苦吟致清癯恐取僂人笑文章徒區區  
歸臨射蛟臺漢皇有壯圖慎勿耽佳句日使朱顏枯

飲酒二十首和陶韻

南山與谷口君當何所之上農恒得飽歸田復幾時顧  
念嗷嗷兒憂端實在茲樊生爲小人陶翁益可疑有酒  
不爲困誰復禁吾持

尊中有明月窮窳出東山是時兩小女指月漸能言對

此使人驚老去惜餘年鄙哉劉伶婦勸語那足傳

昔我雷弱齡讀史發奇情氣若汗血駒恥蒙驚馬名一朝逢世變棄去餘諸生諸生雖相笑亦復或相驚置之櫛罔聞飲酒詩初成

春盡罕人事庭前一花飛有生終歸盡撫景滋深悲念花落泥中毋乃非所依持觴往莫之春去何時歸榮名稱至寶豈不慮朽衰樽空歌正長吾願不可違

竭來游廣陵日聞笙歌喧飲醉近婦人茲語恐太偏無妓亦得醉何必謝東山平生慕放蕩傳徒成往還酒債雖云急客至請勿言

顛狂誠不可獨醒豈復是君看阮籍輩寧當受謗毀免

俗知未能所以聊復爾請從諸少年當春誇羅綺  
租屋寧須廣花開紛紜英四海皆兄弟絕交豈人情昨  
者故人過見我墻圯傾貽貲俾脩葺漸喜燕雀鳴歸鄉  
雖未得亦足娛浮生

五嶽夙所懷白雲多異姿次女年當嫁愁對天桃枝隱  
之稱高賢鬻犬亦太奇百年苦多累何藉此身爲當其  
勸爺飲亦復慰塵羈

孔門雖多賢吾慕漆雕開紛紛仕李氏宗國誰能懷惟  
有顏與閔抱志與時乖汶上亦可逝陋巷亦可栖瑩如  
白蓮花亭亭在汚泥鳳凰不妄下徧覽寡所諧飲酒更  
讀書庶解憂與述諸君勢利場去者幾人回

白日如漂舟流轉東西隅壯年忽已去焉復知前途置  
身山河中憂來誰能驅不賴好事人甕醢已無餘對酒  
便須歌但恐聒鄰居

桃源有問荅戒向外人道我願往詣之因循至于老昨  
逢醉鄉人頗亦輕榮槁借問何所業但言種秫好平生  
復慎交節義以爲寶再拜謝教言終身奉師表

子雲未聞道草玄忘歲時我昔同其癖立志擅文詞明  
月不易得閉戶恐負茲名高身更窮末路稍自疑淮鄉  
酒價賤陳醴不吾欺四方忠我馬捨此復安之

先期理舟楫將欲適遠境珊瑚產海中蛟龍睡未醒中  
夜潛下網致富得要領賜也尚見譏我何棄毛穎萬一



遭龍怒目光如電炳

結交游俠子騎馬忽而至僕從三五人仗劍帶餘醉謂  
言縱獵回賞功須行次出門苦多虞此輩良爲貴勞之  
仍濁醪貧家無他味

終歲在江湖昨始歸吾宅長者祈相念門前多轍迹迎  
送事畧緩教兒誦三百若復不努力汝翁頭已白淵明  
雖嗜酒諸子頗堪惜

貧中葷味絕舉家誦佛經屢禁旣不能得不還相成一  
切如夢幻至理頗難更慚余血漸衰糟床賴隣庭軟飽  
兼可喜庶止空腸鳴他日逢遠公冀得白中情

老婦喜我歸置酒對春風衆鳥既翩翩吾兒亦眼中人

生貴適意何必論窮通韓信請假王徒然嘆良弓

愚者不終愚千慮或一得智者墮奔中常不自云戒慎  
茲筆與墨世運關通寒莊周輕仁義著書嘲魯國萬古  
受其欺善辨不如默

幽谷有畸人忍饑不肯仕降國慕其名豈曰少知己讀  
書幸聞道長貧何足恥景公與夷齊相去乃萬里一爲  
後世笑一爲天下紀徘徊賢愚間敢問駕何止人壽無  
千年大義良可恃

安期云不死茲事恐未真渾沌一以鑿幾客返其淳我  
讀尼父書修德貴日新富厚較仁義有如越與秦城西  
多古塚骨化半成塵顏回與宰我誰復分惰勤念此須

痛飲長看杯杓親投身既得所何妨客問津招我意中  
友脫我頭上巾君但肯盡醉不須慮主人

李吧瞻遠至寓我澗堂悲喜有述

廣陵不可居風俗重墮商近復遷陋巷蕭條類窮鄉貧  
中親戚少往往成絕糧行歌出金石鄰家指爲狂出門  
乞米去日中婦徬徨歸來見駟馬齊嘶門戶傍復有長  
弓箭懸之在中堂比隣聚相視君家寶輝光故人別五  
年今來自何方科名不足羨海內誦文章拜罷卽論詩  
不及敘行藏賞音未易得萬事忽遺忘議論竟不休毋  
乃太匆忙施思山曰兩難相見言故關關久之兒女出見客肅成行老  
年愁此物婚嫁半未償婦爲君外姊無衣苦嚴霜潛拔

頭上簪天黑謀酒漿明日向親族畧貸新衣裳恐取盛  
使笑爲姊貧莫當吁嗟婦人心使我增悲傷李子天下  
士安貧亦其常請觀諸僕從服役皆安詳索我厨中刀  
先剖鯉與魴口腹累遠客感慨痛中腸餓死理宜覩  
顏分稻梁端綺荷厚贈不得留篋箱典此充朝餐價過  
敝鵲鵲又復慮我寒綈袍稱身長高義生感激管鮑未  
云亾閒坐論昔日竊悔少年塲智勇謬自許願比張子  
房椎秦事不成騎驢到雒陽遺產尚千金揮之如糝糠  
憤激填胸中蚤未取侯王翻求速死術飲酒近名倡  
亭日妙語李杜  
二公皆有之座上客常滿孔融庶頡頏後喜移家至  
花月恣徜徉鬼神懲豪俠空手逢年荒快意倏已過新

米迫倉皇金盡不復來

王阮亭曰每思此五字極尖矣

白日慘空牆買

舟謁諸侯江湖浩茫茫作文誠吾子爾父慙膏盲過高  
切勿爲吾道終允臧獨幸交游廣詩名配老蒼今秋見  
李子我軍勢益張新篇宗杜甫目中藐王楊贈我長歌  
句浩氣森迴翔所願如星辰萬古附光芒况君當服官  
祿養及方剛從此立雲霄出處各難量歡娛再會面未  
必身皆強離合感知已庭前臘梅黃援筆聊成述安知  
詞慨慷

王阮亭曰極似少陵別王侍  
李義諸篇却自漢人發源

老女吟

灼灼一樹桃開向老女前姊妹顧之笑春風何大顛女  
心慘若割退誦關雎篇愁中見古人遭遇慰憂煎還復

生脚踟歲月如逝川不惜紅顏收不愛嫁衣鮮舅姑不  
得事一年復一年君子在遠道萬一永棄捐生愧牛女  
星沒爲父母憐義命實所安豈敢怨高天老死誓無他  
庶幾後世傳

老女不出戶登樓望高山千里遠結婚尚阻比翼鸞隣  
女去採桑嬉笑在桑間鸞機無所食日暮不見還感此  
恥養蚕春日寧獨閒繡成雙鴛鴦淚下如潺湲

春鳥亦有巢春水亦有岸女子獨無家對此春光嘆婚  
姻非小節妾聞關治亂二十便須嫁大禮古所撰先王  
垂哀憐亦防人心變幼稟父母訓媒氏恥相見端謹頗  
得名隣里謬稱讚孟光能擇配茲事竊深羨得耦如伯

鸞井口適至願遇合良獨難時節過水津守此光明志  
爲日勿爲霰

王阮亭曰寄託  
凌至愈拙愈古

贈邢補庵

名祥

天運常難測賢士遭困窮我家渭河北飄然江海東  
偶逢舊鄉里握手涕淚同自言輕一出爲官多憂忡大魚  
吞小魚誤落風波中屢年不得歸堂有白髮翁因誦棄  
婦詩哀音異秋蟲爲貧兼爲憐惜哉兩無功南陔與白  
華笙管達其衷上感賢君相孝誠得相通六經垂萬古  
後世耳多聾君辭何慷慨聽罷笑蒼穹宦途多險巇草  
澤窘英雄出處竟難據何以教兒童小人有繼毋失養  
愧薄躬負米藉兩弟憂愁無時終四十頭盡白過墓悲

梁鴻西北有先墳客死焉足奈人生非金石對此落日  
紅聖賢愛其身立言浚且洪以茲慰二人亦足報穹窿  
況君血漸衰著述貴精工豈年能好學昔聞衛武公公  
侯且如此千載欽遺風

勸酒效樂天

辛丑

作賦凌子虛無由獻聖君持戈向邊塞不如羽林軍兩  
事不可爲何以對斜照昔日謝東山日日醉紅裙更有  
白太傅那時卽醺醺彼皆居大位得酒尚歡欣况我田  
野人何時立功勲坐令髮已斑年少恥爲羣未知臨老  
骨定傍誰家墳在世能幾日酌酒胡不勤自飲還自勸  
高歌看白雲堯舜與湯武醉後卽無分樂哉劉伯倫聽



雷如秋政

送梁木天歸里

出處不同塗志合若一身我生常多幸論交無舊新  
刳眼江湖上對此金玉人救時須才俊妙年如初春  
樽酒亦足樂背面苦譏評取人在立談此豈有平生夙  
昔慕留侯臨老愛步兵肺肝久自匿何期達豪英  
作客常鬱鬱何心論文字交多聰明衰十人九不記得  
逢個儻姿譁笑輒如意雜佩出閨中內子無迴避  
會面苦不易君歸自苦雪經旬濶笑言呻吟復臥榻出  
仕及少壯風雲新遇合重此七尺身寧可輕閭閻  
行路徒悠悠誰言多兄弟將老臥江城忍饑無可詣有

施未及報忽已成分袂相逢復何時長懷賢者惠  
吾家傍清溪君住城北偏往來三十里樹色常接連離  
別雖可念羈客更堪憐母老弟復貧淚眼望高天

誄史

鍾儀戴南冠廼在囚人中取琴使之彈樂操必土風賢  
哉范文子數言辨公忠放歸還加禮晉侯亦英雄  
世龍雖制律本自防俗士旣恕馮執法復宥樊內史忌  
諱自古來誰肯求諸已此律并不設光武真堪擬  
姚崇爲侍郎朝臣無反者後臣不早誅羅織誰寬假武  
后雖婦人未嘗開用舍濫刑悔前非亦足感天下

寄懷郝羽吉

衣食尋嘗物用貴得其宜原怨鵲結口端木乃相譏大  
賢且如此愚人安足嗤昨日吳賓賢示我棉布詩讀之  
哀且嘆緇衣風不衰高義感千載何必身受爲郝生誠  
何人我今願見之我身亦不寒我腹亦不饑所願見郝  
生好德庶無私古道如塵土感激陳此詞

主西燕曰極似昌黎贈崔立之昔者十日東  
一首雜意錢郝吳交情亦與子榮子與相類

### 送王築夫北行兼呈李杞瞻

木有同棲禽水有同游魚墮地爲男子弟兄焉可疎與  
君臨分手敢忘定交初誦詩感無衣涕淚濕襟裾桑梓  
本秦川淮海同結廬引領望扶桑惻愴念居諸憂傷虛  
無益勉讀古人書君文齊歐曾子詩擬應餘有作必相

示一字互取瑜垂名苟千載以此榮鄉閭君今忽遠行  
寒雪照駒驢日北亭我如跛足人失杖色躊躇借問同  
行誰故人駕高車愛君文章好實嘆且過余貴賤必相  
偕禮厚意無虛丈夫重知己妻子徒歎歎鮑叔不惜金  
慎勿嘆歸與况復燕趙士慷慨擅令譽若逢荆高輩爲  
我道區區送遠忽不見掩淚歸城隅大江多悲風值此  
歲又除

賴水西與其婚姻之友將別上周旋廣陵數年衣  
物皆典盡蕭然還鄉察其意畧無所怨苦獨以別  
士貧不能偕歸殊有悵悵之色予感其篤于交誼  
也爲作詩贈之

雨雪冬正寒送君還故鄉還鄉意苦悲母乃戀維揚維  
揚何足戀歌吹滿蜀岡大估襄陽來使錢如糶糠中有  
苦節士卒歲無衣裳于君本婚姻遠別焉能忘富別多  
意氣貧別無輝光哀哉賢親戚執手淚千行富亦安足  
榮貧亦安足傷管仲與鮑叔千載令名長當時不相累  
後世誰稱揚盛德各努力無爲徒徬徨末世風俗壞親  
情如道旁作詩送君行兼做愚且狂竊比白樂天朱陳  
傳歌章

春酒堂詩爲周茂三作

匣中亦有刀服中亦有矢昂藏拙丈夫安能事耘耔春  
風堂上來老人惜暮齒有親戒遠游學稼良可喜姬旦

爲大臣幽人風俗美南陔與白華七月是此擬介壽酌  
春酒君父無遠邇我友周茂三學詩過毛氏取酒名其  
堂彈琴樂田里躬耕雖澹泊樽樽常在几入奉白頭入  
出交天下士守此將終身義方凜多恥當杯忽高歌有  
時忘拜跪大孝有真樂恭敬非一理前爲公西華後爲  
老萊子痛飲無拘束庶幾齊風軌

聞百詩自淮至邗上哭亡友王于一兼經營歸櫬

感其古誼贈以詩

壬寅

太白于指南自謂重朋情袒服日慟哭營葬在鄂城高  
義照千載豈獨詞賦名我友昨客死杭以多哭聲魂寄  
古寺中尚聞鐘鼓驚我遠不及赴垂淚徒縱橫貽笑李

太白倫誼何太輕古道未淪喪乃復見閭生自淮過廣陵  
醴金恤其嬰日夜望樞至將送歸柴荆閭生擅詞場  
睥睨公與卿師事但王子心虛眼自明還復奉父命嫺  
孤勞經營世俗崇勢利遺子金滿籠爾翁獨不然舉事  
貴堅貞我身在江湖終日望歸程飄泊齒漸暮何其水  
中萍身後貴自計焉敢累嚶鳴作詩兼示兒悽然涕沾  
纓

自作挽歌

鬼伯無親疎百年有盡期夙昔耽書籍今日忽棄茲五  
十不爲妖星家謂千壽便去勿復悲所恨非故里家人  
痛流離老妻典衣裳幼女啼房幃買棺須一金倉皇在

貧時親戚稍來視弟兄天一涯生不頻相見死後長相思  
寄書三千里得達亦已遲魂魄冀蚤就託夢暫追隨  
爲人苦愚魯未必魂有知含酸赴九原茫茫任所之

王阮亭日境遇視聞公殊苦  
實烏來遂與抗行千載之上

### 發揚州至京口

束裝將有適稚子立我前依依出門問問我何時旋北  
風吹衣裳歲暮心憂煎饑寒誠可念況汝當髫年爲學  
貴及時長恐廢簡編臨別申嚴訓嗟哉尚勉旃

改服游江皋適戎學老子窮途將安之乞食焉知恥平  
生尚耿介爲儒昧生理故人見我來設筵陳芳醴君非  
孟嘗君我豈門下士口腹累安已慙嘆何時已



諸山何參差展眺雨雪中茫茫臨長江開此萬古胸

上阮

亭曰四句居然萬里之勢

言尋甘露寺緬懷諸葛翁當其建策時妙

算布深衷事往蹟尚有世衰道誰同寄言游覽士毋爲徒匆匆

清明日間再彭携歌童泛舟城北取今日天氣佳

清吹與鳴彈爲韻

蔡郭

新煙何旖旎黃鳥鳴春深所遇非故鄉節物傷人心良朋忽見招爲歡聊自今子推立功名後世徒沾襟

楊柳美難述隋隄好風日許史非我儔碧玉非我匹衆

情悅妖妍同志貴真率雜坐一舟中春水流潏潏

散步雷塘上徘徊迷樓前石馬立斜日野草蔓芳煙當

時殿中女皆插瑟瑟鉤蕭娘復何如容貌疑帝天  
漸近禪智寺墓田轉可畏榮華若久存禪宗復何貴太  
息古佛前誰知心所試聽鐘磬音稍奪戰伐氣  
蜀岡亦可游吳兒亦可偕何必西湖上吹笛楊鐵崖主  
人能顧曲曲中無暗垂彈箏墓柏下益覺陶詩佳  
拜掃猶未了哭聲雜歌聲白馬何太驕江海方用兵悠  
悠對酒盞忽令心肅清誰憐趙州土肯及史公塋

公塋在  
柳花嶺

舫內鉤箏鳴牆外鞦韆戲取樂雖不同良辰無虛棄世  
間庸思人但恐黃金費豈知竹西路自古傳歌吹  
素心能幾人經年成間阻今日鶯花前重聚烟霞侶轉

憶王斬輩泉臺誰共處

謂子一茶城

曾點稱狂士固宜聖所

與

婆娑愛晚桃惆悵惜樺鷺風雨幸不至田蛙已盡鳴老  
來身雖健眠如人乍晴尚復耽筆墨辛苦千載名  
落日看歸舟忽忽興已闌客散餘山水復藉見杯盤誰  
計明日事都言此會難惟有教歌者夜夜理箏彈

追輓徐鏡如

有序

徐之鑑字鏡如歙西傅谿人幼孤祖母張獨支門戶  
年老體羸朝夕手一梭鏡如既長與其弟遊蕪湖漸  
至羸餘又數年將治裝歸矣未至里門間祖母歿慟  
哭至月餘骨立死年僅三十五歲崇禎庚辰年事也

吳賓賢爲作傳豁孤子行子亦和焉

慈烏亦有兒慈竹亦有孫孤兒稱丈夫敢忘祖母恩秋  
風吹黃葉蕭蕭下柴門中有機杼聲恃此備饔飧撫養  
三十年頭白日已昏孫今負米去母送至前村堂謂相  
見日遂當及九原歸來視堂上惟見廢杼存對此但一  
慟何用弟與昆作書與令弟幸念黃口繁有生誰不死  
獨如葉隨根李密請終養其樂何可言

讀史

袁閔閉土室漢祚已將終一門方富盛垂涕念先公吁  
嗟兄弟間如何志不同踽踽獨行客冥冥高飛鴻幸無  
增繳慮寧知生計窮

年日贈江都明府梁木天

令節值端陽年年客江都今夏喜故人晉接成歡娛行  
路歌父母萬口摠不殊何勞長命縵何用辟兵符請看  
兵船過焉敢擾樵蕪相見但可駭君貌何太癯贈君無  
他物勸君酌菖蒲臨勸非一詞更請陳區區鑄鏡汲江  
水但可鑿髮鬚取友若單父明鏡遠不如勿因厭賓客  
因并疎文儒君欲悉利弊誰能助計謨相念在芳辰  
可諒謬迂

敝邑私謚房樞部儀凡爲貞靖先生兼立祠表忠  
作詩三章以代輓歌

矯矯房樞部赤斜不能官

李冠明召不應

一死何必蚤從容事

更難我思南宋時文相亦黃冠寸心所耿耿復楚與報  
韓隱忍無不可丈夫重閭閻樞部志竟成賢哉髮膚完  
何以敬孤松不知北風寒何以頌古鏡不畏塵土干  
謚公爲貞靖公不愧其名祀公有祠宇千秋見人情招  
魂向何所飄然上玉京稽首先帝前涕淚下縱橫臣心  
猶能在所恨社稷傾旁有如饌人一一忠且誠慰公無  
他語子孫盛簪纓

峪水何湯湯慈峨何嶷嶷中有萬古人大節齊孤竹焦

公能罵賊

謂前先生

王公能餓腹

謂蔡先生

同時稱三仁房

公頗不辱齊失七十城死義惟王蠲何如吾邑中正氣  
相接續所愧非史才歌成但一哭

哀緯夫

役夫亦有家常與道路親母老不得顧驅之向淮濱船  
中坐達官打鼓過前津酒肉飽其腹焉知饑俄人  
牽船復牽馬受笞手中鞭不如爲奴僕猶得主人憐雨  
中泥沒肝河水浩無邊力盡長苦饑何處望炊烟

貞女詩

爲邵陽王幼華令姊作

芙蓉爲女顏皚皚爲女傾不如古松柏爲女性所棄昔  
當關中亂州邑失安靖縉紳而有鬚公然落陷穽修表  
竟紛紛待聘或延頸此事歷歲月笑齒亦已冷忽聞有  
好女當時歿古井問女何爲然全身無微倖女亦不讀  
書大義但耿耿女亦不愛名但自惜形影女豈無父母

不及長跪請豺狼滿城野哉決實俄頃智哉此好女赴  
死獨何猛至今母與弟涕淚不能靜所傷女未字中路  
斷修綆吁嗟骨肉情一死終不幸作詩却相慰女名自  
久永

客金陵

一月將歸維揚留別周雪客兼懷尊公櫟

園先生

久客多朋故驅馳復難免汪吳昨送我

謂舟次

贈詩意

良腴止言苦金陵禾黍生廢墟下言周伯子平生最交  
善開船浩風波被蹂身屢踐把讀竟不能到岸淚始泣  
丈夫累長機干謁須臾勉當塗雖相知厚薄焉能辨經  
過王謝宅焉雜離蘇行乞鍾山側自顧真有覲周郎



聞我來開樽設肥醲居我于甌室

齊名

僮僕愚相遣座客

皆遺老德器比瑚璉林翁

茂

與方生

止

與我更游衍日

日累主人未曾施門鍵明日雨花臺騎驢興不淺徘徊

正學祠淒然血食殄歸來共周郎且復學沉湎我饑雖

無涯醉卽忘蓬轉還抽架上書一一皆精選誰經患難

餘而暇考墳典公子况妙年所期富述撰而翁救世才

廉舉起青兗州郡多流亡羣盜憂疥癰此事我初聞家

書許同展兩世稱知已布衣迺非蹇伊吕功最盛馬班

才大闢是父壘是子底慰野人願

送王金鉉歸里

甲辰

久客復何樂良友來故里早覺心胸好兼嘆丰姿美明

如行玉山清若近蘭芷晉世擅風流漢賢足文史文史  
俗相輕綠酒且同傾蕭統樓堪眺揚州月最明罷君長  
柄塵聽我短歌行壯年無再至快意貴平生平生重意  
氣日中無趙魏君性今直木我志齊清渭不效短轅駒  
恥知盜泉味每讀絕交論萬古一歔歔歔豈徒然金  
石本精堅吾徒忘貴賤世路混愚賢國中郢客曲海上  
伯牙絃知音真未易投分劇堪憐投分苦不早賤子今  
衰老久滯梁鴻妻遠愧龐公嫂黃金若丹藥故鄉卽洲  
島買山計不成送客愁難掃送客復送君千里起黃雲  
隔橋車影去別路馬蹄閒陶潛虛卜宅杜甫幾論文若  
見同心者記我臥江濱

再生詩爲汪長玉賦

梅落桃復開來往卽君家茗粥隨意設坐忘日已斜送  
君忽遠去春風吹江槎愛弟良難別淚滴紫荊花見此  
感予懷連枝隔天涯爲長貴身勞何時耕污邪弟留西  
閩賓兄鋤東陵瓜

別君纔十日逢君已再生孝友世所重廼爲江神驚身  
歸見高堂泣涕如雨零僮僕兩三人何忍委長鯨此曹  
亦人子繇我棄墳塋忠信轉自疑卽此見至誠作詩誠  
世上風波慎遠行

將之屯留省五兄大宗留別賓賢羽吉舟次

愚生愧農圃終歲多奔馳所志一無成忽見鬢毛衰著

書須閉門白日去難追千里黃塵合策蹇復向誰兄弟  
非路人焉敢久別離相見問生理兼請止長饑

吳生性孤直知交惟數子鳳凰無苟棲鸞鴛肯獨止邴  
髡與汪生相親若一已賦詩送我行淚下落邛水交情  
異薄俗在遠常伊邇詩格宗大雅古淡有如此

饑食賢兄米亦勝孟嘗魚勿悲遠道人但寄數行書我  
遊鮑宣里吟詩下疲驢君行董子祠吊古增欷歔前賢  
猶足憶同心復何如

輓程在潛

前月木遠發邀我上酒船兄弟不同來云被小恙纏諸  
岑皆好奇小山方妙年風景但可悅疾病亦偶然半月

不相見嗚呼訃音傳紅橋有明月蜀岡餘清泉風流竟  
蚤逝痛絕笛聲邊

皓首困江湖惟憂病易入尋常歌薤露歸坐還垂泣來  
日苦不多行年望五十已閱老成謝誰慮俊少及譬若  
煥始張便聞客去急一客既出門衆客悵遊集何況來  
獨早焉能戀維繫百年會有盡中心最快悵

贈汪舟次詩

有序

余與汪子交蓋有年信白岳之畸人青雲之快士也  
幼而好學慈明無雙世更知名偉節最怒遙瞻故里  
軒轅鑄鼎之山久住蕪城煥帝登樓之處維鄒人產  
各異京若風馬牛之不相及而汪子收爲同調若神

形影之自相親于是暫鷄鶩犬無假越謠投李投桃  
長庚衛什兼以衡宇伊邇招尋無難宅隣素心寶達  
碧眼日之夕矣方登投轄之門夜如何其便臥連床  
之被有吳野人者東海高隱也布衣草屨太瘦苦吟  
不見諸侯來依禮義伯通廡下自比梁鴻夏侯讚中  
但誇鮑叔蓋野人生于魚鹽之地家無斗筲之儲射  
的山明兒啼如昨紇干雀凍衣結至今非汪子好如  
鄭國之改衣授餐則此老寧甘陶公之無被乞食矣  
故知士各有志德必有隣然而世皆開孔北海之主  
賓義聲在路夫孰知公西華之父子氣滿堂兄弟  
既翕父母其順又豈非人倫之樂事乎因值汪子而

立之年爰效古人思友之作

維余漂蕩人髮素血將枯三冬辭裙布萬里隔荆株金  
石平生交相關定長吁尋嘗楊子宅曾忘阮籍途書空  
恥咄咄擊缶歌嗚嗚不爲今離別焉知昨歡娛人生貴  
是男懸門貴是弧奈何子降嶽致恨我適吳

公孫與竇戚收豕常飯牛吁嗟吳野人忍饑東海頭鄉  
鄰逢灶戶估客騎漁舟彈缺旣不可杖策將焉投一自  
逢汪生不願識荊州月明病客榻雨雪酒家樓豈獨念  
行李常許共車裘知已有如此天下最風流

神清氣復王才優學更醇高陽許同里鳴鳩方在榛

次月  
七人趨庭却長跪涕下沾衣巾兒年今三十何以娛老

親悠悠去白日寂寂坐青春丈夫多感慨毋徒損精神  
寸草雖有心衣錦亦有身努力垂令名誰爲驚四隣

上巳日同于皇賓賢湛若龍舂舟次仔細夏巖諸

子集汪叔定季月愛園登見山樓

自笑高陽徒醉中白髮新平生懶應接閉戶養天真  
汪氏好兄弟往還情最親有園卽吾園到門無遠巡  
石移洞庭山花勝洛陽春結交天下士以此娛心神  
學成意益恭自然德業純

離離新竹粉湛湛餘花露僮僕立其間捲簾圖書具  
歷江南山是我舊遊處登樓忽相見一烏雲中去著  
屐復何時風塵多苦趣



宴會亦有時今朝好風日蜜蜂與蝴蝶爭向花圃出客  
多四方人安得常聚膝緬想蘭亭內少長爲衛匹慨嘆  
從中來美哉羲之筆行樂不及茲堂堂春去疾

壽汪生伯先生閔老夫人

有序

愚嘗謂於陵之妻遠勝管寧之友以辭聘之事有重  
于得金也去歲與吳野人同壽汪生伯先生六十讀  
野人贈先生詩獨盛稱先生昔日身見黃虎山將軍  
義不受賞一事竊愧余所作未見其大然復以却聘  
常情所難凡行事有可以服後世之心不可以快閭  
中之意有可以奪大將之威不可以釋屢屨之怨者  
先生趣誠高遠夫人同心亦由此具見奈何吳詩不

及刑于耶。今歲復壽夫人五十。因舉吳所未及于夫  
人與余所未及于先生者。長咏歌之。不敢徒涉世俗  
稱觴之指。次章稍及安坐之樂。則竊本於顏氏家訓  
所言古樂府三婦以正擬者之謬。誤先生之子長玉  
舟次工詩知言者也。庶許我焉。

何名西王母何處蓬萊山。齊斜復船首。此事古來難。汪  
公倜儻人。義重江淮間。天地初震蕩。距今二十年。桓桓  
黃將軍。當時識公賢。盛德冠四鎮。頗由公一言。奈何急  
軍需。直可奪商船。財賦開大命。國家體統全。轅門日西  
斜。高議如流泉。當其初激怒。利刃橫公前。既乃大嘉嘆  
問公需何官。搖頭不受賞。吾慕魯仲連。歸來語夫人。夫

人有笑顏人生貴相知閨中豈不然易回大將怒難得  
健婦憐雙鶴老雲中鴛鴦戲池邊樊籠不相及儔匹但  
翩翩

良配誠難得君家復易知堂中綺繡集門前華轂馳不  
愛流蕙帳不侍碧玉姬濃花發後罔好鳥鳴高枝江魚  
滿雕盤進饌走佳兒鳳凰生九雛文彩皆離離文彩不  
足異衆多乃如斯恐是高陽里何勞華封詞佩聲何鏘  
鏘共言姑最慈大婦携孫來仲婦携孫來三婦暫停繡  
壽酒同相持餘男雖未婚成立各不遲阿母且安坐聽  
歌南山詩

吳野人曰首有七  
言橫魚漢人之音

送王阮亭儀部北上

但飲蜀井水惟賞明月樓蕭然舍之去米價爲君愁兒  
童與父老啼聲海西頭不及雙飛鳬游戲隨蘭舟  
紅橋最可憐佳節未空過長川映文筆清風飄吟唾置  
身神僊中曾覺漁樵大他歲但相望獨上山樓坐

七夕復集禪智寺碩菴上人房送別阮亭儀部

彩鷁停南浦斑馬鳴孤岑濟濟四方彥蕭蕭祇樹林纏  
綿日復夕鐘魚起清音上方久寂寞殘碣一披尋居人  
惜離別行者重登臨瞻彼雙星爛聽此白頭吟欲問忘  
情老何名共命禽難言無所任齊有淚盈襟

王阮亭曰情至文至格古調古  
此詩佩之十四年未敢忘也

江浦至和州途中作

雨過游氛淨，流目曠秋原。稍忘跋涉勞，眷茲物色繁。白鷺拍水飛，黃雀下田喧。刈禾甫登場，相見多笑言。新薦祖禰樂，哉稱兒孫伊。余竟何爲不耕思，裴歿暨躋行。道旁崢嶸望，侯門對此增愧赧。何時返盛園，棟宇久已顛。鋤犁無復存，長貽松菊笑。苦被父老論。

經過霸王廟，徘徊烏江渡。戰爭跡已陳，風濤聲猶怒。蘋蘩存舊典，門廊待新作。壯姿良足傷，賢姬亦可慕。古來成與敗，人意非天數。水決堤先頽，木蠹根不固。惜哉成陽火，自困英雄步。秦法若若荼，漢令甘如露。誰言雲在上，真勝蛇當路。興懷慨前轍，作詩垂後諭。請看叱咤聲，何如歸遠度。

贈和州楊仲延

垂老厭奔走人境增流連  
榆柳蔭古道鷺鴨戲前川  
行見父老擊壤樂豐年  
不知風雨好但道刺史賢  
刺史來歷陽終日彈朱絃  
美政難具述風俗恥蒲鞭  
賦詩對賓客誰慮囊無錢  
聽此戀向往懷古轉悠然  
我聞劉夢得風流此地傳  
江山宛如昨文彩並後先  
作客吾何慮城郭更喧闐  
况有鷄籠山咫尺杖屨邊

旅興

東隣南錦鷄西隣養鸚鵡  
飲啄各以時豈不長毛羽  
鴻鴈何噉噉哀聲聞風雨  
但愁稻梁艱焉知身無主  
常使揮絃人對爾心自苦心  
若勿徒然代者幸無悔

灼灼如舜華，馥馥若蕙蘭。美人不自知，羨慕動傍觀。避  
亂居空谷，親戚無往還。藏琴名綠綺，取對明月彈。初奏  
別鶴曲，再繼以離鸞。青天來風雨，白水生波瀾。哀調驚  
王母，自下瑤臺看。僊女謫來久，尚識舊容顏。二儀方傾  
裂，羣龍有推殘。汝質弱且細，慎無徒悲酸。

相逢遊宦子，共在道途中。野店迎朱軒，古渡避青驄。不  
知腹所有，意氣一何雄。前村遇耕夫，容貌如龐公。見此  
不回首，長歌曲未終。乃知車馬客，徒可驚兒童。出處各  
自適，瑟竽調難同。寓目增勉勵，慨焉念蒿蓬。

騎驢繞道上，買舟復江濱。形容雖黧黑，壯志頗復伸。馬  
過遊沅湘，村南歷蜀秦。足行萬里路，眼多四溟人。歸來

一著作字字泣鬼神貴若趙氏璧富若猗頓國白首臥  
鄉里君果愚下民

采姿無愚智但貴有師承我本魯鈍人遲眠常早興携  
書遊四方益得謝親朋攻詩二十載落筆恥因仍昔如  
履冰狐今如脫鞵鷹昔如短懷駒今如大海鵬但念三  
男兒何時共青燈歸去教已遲欲歸復安能

王阮亭曰  
愈真愈古

傳經慕劉向悲哉杜少陵

縮地爲一里縮天爲一日思與萬古人往來成膠漆顧  
已非僊人安得此幻術昨夜夢中事恍惚難具述良友  
死已久相見無促膝出詞何怒嘖君豈有狂疾倏復對  
次兒語多情轉失不知隔風塵乃復加喝叱醒來但長



唱簷下鳴蟋蟀神鬼善戲人自愧誠愚質若復從神僊  
變幻何時畢心靜魂自寧請理舊琴瑟

蓼紅桂復黃月明潭更澈問此是何時乃是農家節場  
上有杭稻塹頭有瓜瓞一飽願無餘焉知首如雪志士  
獨何爲俯仰生悲切登高望四方不見古時傑雀各求  
其粒蟻各尋其穴勞勞爲身家風塵幾時別

蔬枰詩爲宋份臣作

蔬枰圖名

田足邵平瓜山多周顒蓼何如庾郎非一味不言少救  
時七尺軀揮鋤復荷篠來往惟漁樵悲歌盡燕趙茹荼  
遇誠艱烹葵樂不小

下脫亭日落落  
賦語亦益九州

名士悅傾城篇

谷口任淑源徧遊燕趙吳越間携有雙珠願聘一笑  
橫塘之北莫愁之鄉虛無人焉將焚其珠孫子賦詩  
以紀其事

傾城不易得山川亘且紆或在成都縣亦出雒陽區李  
妹處北方宋家作隣居偶然成一見此福天下無但得  
陰麗華懶作執金吾復聞二八歲價值十萬餘千金持  
作聘不及一雙珠高才有司馬年少比周瑜經秦還歷  
趙適越暫留吳舉杯忽不樂對鏡有長吁一笑竟誰是  
百歲胡爲乎床寧異玳瑁枕不少珊瑚幾處巫山夢誰  
家金谷圖將珠可投海用酒抵當壚

後名士悅傾城篇

淑源果遂所求然以秦女之夫寧甘小吏乃僞作鹽  
商始通媒妁既乃知是進士此復何異唐伯虎着青  
衣時耶因再紀此篇

傾城各有王明珠不浪投桃李種何所言過城南樓本  
是小家女恥共使君遊陳王那得見宋玉恐非儔良媒  
徒擾擾之子果難求獨有劉孝綽長懷盧莫愁作客逢  
遙夜挑燈照獨綢豈無邯鄲步豈無北里謳不如彼妹  
子玉體輕且柔老奴持玉鏡擇婿何風流上客彈綠綺  
相挑良有由勞哉名士慮工矣古人謀飾作襄陽估學  
駕奇裴舟明朝領千騎夫婿坐上頭借問織縑人今識

卿卿不

王阮亭日調  
笑甚古雅

慰雷伯顓喪幼子

名多見

爲苗竟不秀曾憐執戟郎  
立文當付誰無兒誠足傷  
奈何東門吳木石爲心腸  
近稍怪吾友事異吳與楊  
一珠偶奪去餘顓儘輝煌  
老眼不自惜淚如川失防  
遶膝數丈夫見客列成行  
鍾情雖我輩多男情可忘  
凝朝湛白露映夜迅朱光

用江文通傷愛子賦

君能排此理變滅亦尋常

對第五女阿淡有感

阿淡吾所憐生逢家道嗇  
嬉戲諸姊邊憂愁全不識  
汝年小如此何時習內則  
多女本無妨但當教之織  
子儀古豪傑七婿有官職  
唐室旣再興爵位亦已極  
朝廷感其忠兒女增顏色  
腐儒徒可哀無衣復無食  
天運雖使

然慙愧古人側

王阮亭曰陶杜古詩皆發源于漢人鍾仲偉謂陶詩源于應氏百一李于鱗謂唐無五言古詩皆非也焦穫先生古詩上溯漢古詩樂府及其波瀾壯闊乃與陶杜無不脗合非由陶杜以求漢人者也予持論如是適汪茗文過寓齋共讀此卷溪以予言爲然因書于後

汪舟次曰觀堂詩朴處到不得俚處學不得愈俚愈古愈朴愈秀讀書一萬卷養氣三十年乃能辦此未許草草讀過也

六言古詩

秋胡行

有序

己亥九月江上亂既定聞鎮江郡人有以姓名相同被禍最烈者與客駭嘆竟日偶談及西京雜記所載杜陵秋胡事因以秋胡名篇

毛遂井中隕身曾參市上殺人無怪秋胡絕婚馳象遠  
引廣陳乃知名同實分

爭死既非弟兄形貌復殊畏庄禍福前定難詳李樹忽  
代桃僵草木尚堪嗟傷

王郎文書縱橫蕭王不省姓名口令反側自寧而况真  
假未明用法如斯堪驚

澆堂前集卷之三

焦穫瑛枝蔚豹人

七言古詩

辭墓 乙酉

風發發雪霏霏將出門淚漣漣  
桑與梓情忍違重上塚  
當何時出必告敢忘之告地下知不知  
陟高岡望連枝  
江之北淮之涯兄幸不死亦可虞  
鬼哭滿城身獨居  
昨日纔得一紙來欲托病骨使心哀  
騎驢早晚入燕城  
先向春園看紫荆却愁兩弟年尚孺  
誰護松楸驅狐兔  
臨行再拜牧羊兒慎無擾我先人墓

留別里中諸友

身不能采首陽之薇復不能進圯橋之履年二十外稱  
游子衝寒面發霜蜀紫此行策蹇三千里不如黃雀青  
鵲兒啁啾不出蓬蒿裏臨去別同心淚濕破衣襟今日  
爲堙與箴明日便同辰與參豈無旨酒亦有清琴強飲  
寡歡趣強彈無美音請聽我一言欲言聲復吞豺狼滿  
野虎在門慎無輕生喪其元歸來尋汝桃花源但問  
上之鷄柵中豚

王阮亭曰氣豚本漢魏古樂府音節亦近

詠物詩

有序

庚寅

昔窮奇之類以比四凶梟獍之殺以絕不孝而詩云  
莫赤匪狐莫黑匪烏亦非謂狐與烏也余讀史之餘  
頗有感於自古及今治日少而亂日多賢人小而愚



不肖者多不能默然而已因有比興之作得詩十首  
而虎狼之屬不復及之蓋物有大而易防有小而不  
易防吾何必言其大者至於詞傷忠厚雖近巷伯惡  
惡之旨而違夫子已甚之戒又未嘗不自慚其失矣

鼠

詩人惡無止乃稱鼠有齒斯言稍失平不過要令聞者  
恥頗恨齧鞍憂庫吏豈惟竊粟惱貧士况我身今客異  
鄉伊威在室誰相視憶昔避寇堡城中苦遭此物擾然  
几時方憂亂嘗盡眠枕畔公然齧吾指穿牆穴戶徒尋  
嘗狎猫欺童何所抵史舍會逢人犬驚古今不同乃如  
此將無盜賊奸天位氣機相感有至理

此叙避李自  
成之亂也

至

今思之增煩怒張湯爲兒真可慕

蝸

故鄉苦多蝸久不遭患害被螫憶兒時叫號開戶外祖母尚在堂撫摩恩意藹引領望墳墓自傷年已大歸期未定思悠悠縱使得歸那免愁韓公照壁增歡喜自是心中別有求如何齊後主量蝸乃用斗與釜浴甃聲哀不可聞翻言此樂從未覩愚人情性險且克剛雞走狗拜下風仰天使我輩一笑生蝸還復生蜈蚣或言二物能療疾於人頗亦有微功嗚呼生死本前定惡物種類實難容

蜈蚣

百足之蟲產東南其首最赤吻最赤更聞吸物能用氣  
每逢蜥蜴視爲肉大者還能吸殺兔緩安古縣多汝族  
花冠頗可備驅除無論王政須多畜曾遭一齧痛入心  
欲啼不可淚盈目勸汝欺人勿欺龍霹靂燒樹如火紅  
妖魘尙且聞聲泣報復之道肯汝容大者已傳被雷斧  
小者循環死蜴虎欲知疾惡有同心請看巷中歌且舞

蝨

物各有巢穴蝨獨異行藏行不離縫際動不出裨褊汝  
室亦太密汝軀亦太肥衆蟣居左右何異臣妾微生于  
復生孫自以爲吉兆一朝火滅都昧如處堂甥貫蝨之  
技吾朱學英雄誰如王景畧爬搔頗厭中散煩烘燎難

怪荆公虐或言愚蠢罪可赦焉知饕餮性至惡更聞源  
清流自清肉食一輩何足懲請師商湯銘吾盤請同孺  
子濯吾纓

蜘蛛

蜘蛛笑春蠶吐絲但爲他人利汝絲能遮身不如我絲  
連天地高廊廣廈許巡行蒼蚊青蠅難走避蜘蛛蜘蛛  
何不仁曳繩執牙勞心計平時常怪晉公子却見茲蟲  
爲駐驂方丈之御何足羨慨然願請師其智不見周公  
東歸日憫念士卒無不至蠅蚋庭戶煩闕情傳之吟咏  
長堪唱一公一私王霸分日旣亭彼欣此憎賢愚異我  
今作歌固勸人慎無損衆惟益自更願勿如營營者羅

城網國將身試

蜀城網國見  
焦氏易林

蛇

蛇能爲祥我不知聽我今歌怨蛇詞通州鼻塞種最惡  
巴中吞象事亦奇以蟒爲君身爲臣君臣如此良可悲  
深山大澤汝所據吁嗟隱士將何之或云已年忌殺汝  
此語使我心懷疑或云雄黃長可佩廣成之言不我欺  
復聞外國異中國原名蛇原積蛇積五百餘里氣如煙  
飛鳥紛紛喪魂魄我身幸不經其地但恨長爲水鄉客  
蟻子

防患先防內內患隱難知不見棟梁柱螻蟻壞其基斯  
千載小雅風雨訓不宜所以避陰濕正恐生蟻蚋悠悠

歷歲月主人方自怡木質頗完具豈料中心虧及至遭  
傾覆然後涕漣漣譬如長城一萬里乃有胡亥爲少子  
禍不繇外却繇中秦皇雖智難及此復如桓侯病將殆  
尙笑越人貪財則十五日間無奈何後時安得咎真宰  
嗚呼誰是知微者肯信蟻能傾大廈

蠹魚

有屋不殊楊子居簡冊之外更無餘青也誰慮逢盜賊  
黃卷惟愁遇蟬魚况兼爲客走江湖入架堆床任塵土  
嚙腹安能效郝隆散帙何堪驚杜甫每思作檄先討蠹  
著蠹雖小網須深乎汝曰蠹汝不取真同官吏劇貪侵  
或言汝食神仙字化爲脉望非几類何諷一聞道士言

悔恨因而垂涕泗我從束髮戴儒冠懶向星使求還丹  
芸草果能立功效獻馘奏凱將同看

蝗

蝗蟲聞是魚所化此事不勞更躊躇不見馬援稱賢守  
政行蝗復化爲魚奈何儒吏與武吏忍欺百姓肆侵漁  
鬼神特遣示妖孽豈關汝類真難除秉畀炎火計雖好  
子孫蟄蟄尙堪虞吁嗟農父獨何罪畏吏愁蝗情不殊  
渺茫誰能測天道憂愁且復觀史書雨螽於宋災必記  
蓋以宋公爲前車

冬青行

辛卯

宋室遺民林與唐歲逢寒食淚千行冬青樹下蘭亭傍

百官何人來奉香東風吹綠鬱參差魂魄諸帝今何之  
桂酒椒漿前跪持孤臣精誠天鑒茲鳳凰長護萬年枝  
相戒螻蟻及狐狸汝休妄效侵凌爲嗚呼義士良難得  
從此冬青增顏色却使後人長嘆息皇天何苦生盜賊  
君不見楊髡宗愷分賊死王潛吉夢得三子黃壤有靈  
應如此莫斥稗官與野史

姑蘇臺

千辰

姑蘇臺上春可憐姑蘇臺下草芊芊臺成借問自何日  
請說吳王破越年王歸却厭爲王古宴向西山貯歌舞  
漫愁助役萬人勞何惜祖宗一塊土祖宗讓德空嶙峋  
樂事公然讓後人洞庭恰與離宮對茂苑初看別館新



離宮別館連雲起此事蚤傳越王耳苦心物色范大夫  
苧羅珍重尋西子西子傾國復傾城不是高臺不肯行  
却將溪上浣紗手添出官中裂帛聲老臣獨立雕欄哭  
不識君王何處宿當窓衆妓笑人癡那得此間有麋鹿  
旌旗一片竟何來只道吳王射獵回鏡裏可憐粧未了  
殿前誰悟死相催越兵不愛印如斗但守宮門恐王走  
移時捉得西施至問汝還識越王否越王自起謝西施  
安敢功成忘爾爲功非妾功罪非罪吳亡却在臺成時

百花洲

吳中昔日稱繁華無人此地掃落花西施自到吳宮裡  
吳王富貴不敢誇無計能邀常一笑却來洲上種雲霞

西施自去鬪百草羞殺千枝與萬葩就中只愛梨花白  
爲與玉顏同一色回頭桃李不值錢那及宮娥妖且妍  
夫差去後鴛鴦老無處看花客煩惱君不見金閨大道  
多酒樓如花小妓立樓頭夜深能唱吳中曲勸君一醉  
消千憂請看英雄化黃土春風不到百花洲施恩山曰  
千古獨魂

走狗塘

吳王厭對宮中柳獵場日暮不回首西山高處捲珠簾  
多少美人看走狗堤上愁逢伍相來宰嚭勸王且勿回  
今朝射殺林中鹿明憐應無鹿上臺王阮亭曰二句更  
妙于前篇那得此  
間有麋鹿滑精之妙亦自冠從  
東來今麋鹿屬之足矣歸出君不見種蠶高才復捷  
足爛爛雙眸常四顧却視夫差如狡兔子西然曰夫差  
始也而不狡

真娘墓

世上美人偏不久看花時節舞裙朽

王西樵曰傷心語

化為黃

土香春風何況當筵親勸酒無人經過不題詩爲問芳

魂知不知墳前草色青如此城裏歌聲那可遲

王西樵曰讀未

二語令人不敢不爲樂○阮亭曰積亦常有絕句云野

外桃花紅近人猿華簇簇照青春一抔低亞隋皇墓月

唇與此意同

遊虎丘

金闕處處行樂地惟有虎丘多香風人言此寺老僧皆

不俗

王西樵曰人言正未必然

我來正佳僧舍中朝亦登虎丘暮亦

登虎丘老僧在傍常怪我君今胡爲遠望但增憂豈無

美女能勸酒妖童能行謔夜夜多來石上游噫歎歎我

當語僧僧安知歌舞雖工匪我思娶妻當得如西子前

有吳王呼不起生平膽氣猛如虎却看虎來據蒿里英

雄長使路人憐

施恩山  
日傷心

萬古戰爭還未已但當與僧更

登此丘之絕頂日夕坐對古虞山泰伯如可作兵戈自

然閒

王西無日他人作登  
虎丘詩必不能有此

却思斷髮時使我涕下何潛

潛聖人隨俗尙如此何況下士賤且頑賤且頑長可愧

我看支公山正與生公石相對朝朝願秣道人馬還來

石上聽經睡懶遇韋蘇州不愛劉夢得樂天與子瞻安

足稱主客經過祠前還一笑數公吟詩多秀特我今詩

癖未曾除焉敢竟忘古人力况聞閨中復苦饑此時蕩

子情無極將歸未歸對佛燈妄言便欲證空色老僧聽

罷心相憐如君所言徒憂煎春風吹老茶千樹且復抹  
煮聽鳴泉

王西樵曰筆下極變化此等作是李不是  
杜○阮亭曰豪宕之作結得瀟灑又詞

### 春城曲

楊花落地春風死  
菖蒲小妾笑不止  
男兒背向襄陽去  
却負揚州花月里  
衛娘鏡如月  
陸郎馬似雪  
待舞真珠裙  
又聞車馬發  
素紗軟屏看不得  
但云門外紅塵好  
黃爲小尼峰  
碧是斷腸草  
蜀紙一封朝寄書  
錦床臥看情顛倒

王西樵曰臥看有景

不入魔故作佳○阮亭曰古意  
學長吉

### 趙孝子歌

戊戌

崇禎五年季冬夜賊滿山西武鄉野悲風愁雲動千里  
殺人之父城門下念賊彼亦人之子不肯容人伐父死

歸語我友及里中兒父仇不報子活何爲願假我斧我

必擊之月黑雞鳴事不可遲

王阮亭曰漢人語

親族向前相泣

語百萬騎中賊何處此賊胸前掛銅牌此賊秣馬在庭

階諸君且勿勸我住我常畏聖賢不畏虎與豺

王阮亭曰王阮亭

復堂皇天憐孝復憐勇須臾賊死不旋踵一賊旣倒羣

賊驚此兒何姓復何名自言身是趙庭舉吾奏上帝當

殲汝汝曹不孝復不忠朝廷恩澤二百六十七年中何

忍負之縲汝等况復孤人之子烹人翁罵畢投井井無

水七尺吾當全歸耳至今山西武鄉人百里負米養其

親不見前村趙孝子孫政判斬安足擬

王阮亭曰可當秦

休行光緒萬史

代竇威作別牛歌題飯牛圖

鯉魚長尺半，迺在康浪之水。中竇威是大臣，迺在南山之南。東門東，半夜開門，燭火紅，迎客者誰？曰桓公牛。今大臣將別，爾異哉！歌聲車下起，吾不與爾適楚矣。寄語後來人，縕縷何足貴。長過青青松柏下，念吾鬱鬱賤且貧。

王阮亭曰：韓退之琴操之亞。

水奠六首 已亥

夜聞湖漲五尺高，築塘到處聲嘈嘈。蚤起換米向遠市，舟小苦辭無長篙。已愁盤室欲餓死，翻憐米商亂啼號。男兒性命不值錢，猛風巨浪奔走勞。

古人心如雨中山，久雨益復識蒼顏。今人心如水邊隄，

洪濟 衡類且述往往窮途思友朋有如溺船呼遙骨  
君不見召伯湖中孫處士腹礪不能讀書史

老龍驅海上秋墳江田萬頃沒耕耘白骨亂爭一寸土  
黃牛休嗟四時勤但道求田須高隴自無徒墓遠湖濱  
人生有身爲妻孥雷聲孝子聞不聞

清晨已聞邪許聲夜半捉船小港中役夫骨填河水塞  
舟子淚添海水紅防河主簿愛孔亟食休不多爵不崇  
前有達官坐巨艦鼓吹能使兩耳聾

城中殺犬村殺牛百錢能爲物命仇不知後夜或防賊  
那計來年尚有秋大魚潑刺浪得意漁人結網將汝收  
夜夢羣魚化爲人不久公當作吾隣

王阮亭曰奇然衆  
雜魚矣等語也



三十餘人共小艇傳聞同溺開口邊生不相識沒相携  
河廣舟少手無錢前月避亂居湖邨舉家待米望汝旋  
公乎公乎無渡河筭篋彈罷涕漣漣王西樵曰悲從佳  
出唯第三首首句  
是字長吉此等詩讀之雖  
不必字字可喜然下筆甚難

醉題田家翁壁上

田家老翁鬢滿腮  
甕中初熟葡萄醅  
憐予避亂兩月久  
城中親戚絕往來  
時復相招共談笑  
瓦盆盛酒瘿木杯  
經旬不飲飲已醉  
強留那喜雙僮催  
且說生平大小事  
手種桑柘棗杏梅  
後妻年小能織布  
墻東枇杷渠所栽  
大兒新娶婦前月  
恰值桃花開  
次兒捉魚去湖中  
月落船始回  
小兒能上皂角樹  
閒卽打鼓學春雷  
王西樵曰  
從杜大兒

聰明到能添老樹  
廣崖裏等句來

出門短衣纔至臂無人可呼相追陪

愚蠢不遭神鬼忌荒僻免憂兵火災只今亂離二十載

知誰大將誰盜魁

王西樵曰幾於  
桃源中人矣

我聽翁言意恍惚

千一石何有哉客能痛飲主歡喜何以報之無瓊瑰醉

墨淋漓留在壁莫教風雨生蒼苔

王西樵曰眞字是一篇  
主意却只於收處一點

### 題畫

霜天紅遍老楓樹閒來約伴題詩去雙僮攜酒上山遲

不識主人坐何處

### 愛妾換馬

庚子

男兒盛年何所求買妾但當如莫愁忽有胡姬纔十五

自言不願嫁公侯恩寵能教長不改出入高樓最光彩  
從列金釵十二行纏頭夜夜費繒絲誰家公子忽經過  
立馬樓前奈汝何珊瑚作鞭金作勒駿騎惟嫌骨太多  
未知此馬有何益却使人心變枕席王西樵曰似元白  
語○阮亭曰亦似  
張王當歌對舞忽沈吟開筵亟召樓前客命妾一曲妾敢  
辭將妾許人妾不知問君舉事胡倉卒妾實無過將何  
之答云難得惟騷騷閨閣中人吾老矣郭隗自是古賢  
人綠珠不過良家子吾當匹馬走陰山安能長愛比翼  
鴦東隣才手如宋玉北方佳人勝小蠻成就功名是爾  
德便去不須更惻惻問君所言與何疑但有黃金馬易  
得耳邀願卸大秦珠身止願解錦繡襦君但念妾有苑

志妾當爲君買名駒若道立功須瀚海功成樂事應難  
待孫子自斬他人姬曹公會多破賊悔妾聞古之好色  
人兒女英雄本一身前有安石後子儀當時大業皆麟  
响貴畜賤人古所誠悟君一言敢前拜馬自無情人有  
情君意得如彼意快吁嗟此妾良可憐世間那少鐵連  
錢閨中有妾廐有馬兼此應無恨事傳

神絃曲

露別廟作

巫鼓婆娑花滿裙亂斟清酒澆熱雲神女騎鸞獨自來  
肌肉已盡骨如梅旋風呼雷細蟲佩玉鏡化爲湖水光  
鬼嫂索食啼廟門大兄小姑色不溫夜深神欲上天去  
人間污穢難久住

非西樵日語有寄託

勸酒三首 辛丑

昨日桃花紅滿園今朝花落池水邊  
正逢老僧杖錫來見我相勸學  
參禪酒杯在手無奈何君且歸去我醉眠  
陶公不入慧遠社後世亦得稱高賢  
王世貞詩曰是大流人語  
少年美似閨中玉老翁危如簷前燭  
少年不久成老翁東舍西舍換歌哭  
勸君何不從仙人騎鶴駕鶴京鳳麟  
酒星但恐墮爲石不如杜康長作隣

神農虞夏忽皆沒伯夷餓死太倉卒  
治亂循環亦天道憂時何爲常咄咄  
轉徒名姓左右俱酒錢安可一日無  
杜鵑聲苦聽不得請向春風聽提壺

馬食禾代田家

禾黍正油油何人放馬上隴頭碧眼虬鬚使我愁向前  
長跪淚雙流租吏坐我堂聲高氣正揚縣官催納粟不  
待禾登場願邀馬客至舍下今朝爲吏辦酒漿馬客來  
租吏去早知馬客能逐吏馬食禾盡不須慮

王西樵曰所以其租吏也然馬客去租  
吏又來奈何此等是張文昌王仲初

送閻百詩返太原故里赴試

壬寅

我住江都君淮上相思但聽棹聲響梅花開罷楊柳青  
君縱不來我能往惟愁病渴苦相如誰慮韓侯久釣魚  
匣裡豈無三尺劍箇中况有萬言書今晨別我太原去  
爲言先人有廬墓立馬朝看太行雲揮鞭夕指并州樹  
我聞君祖大參公令譽猶播鄉里中立朝慷慨多奇績

君今繼之稱豪雄歸來應笑淮陰市始識閭生天下士  
淮陰亦是枚公鄉君且着錦拜高堂

憶昔

憶昔避賊四險堡堡名天黑崖深愁脚倒亂走棘叢無燈  
火十步五步呼妻嫂明朝潛身古窟裏窖上馬蹄聲近  
耳當時不死亦偶然只今長貧敢怨天

憶昔仗劍果老崖雄心能輕虎與豺豈料糧盡勢遽散  
馬上倉皇別同儕作事不成死亦得壯士一半無消息  
只今身老羈江都甘心忍餓何其愚施愚山曰英氣  
雄心往往露出

老妻有問不對

癸卯

門對董子祠手持董子書老妻見笑還相詰君比董子

定何如我不能答但茫然射策何曾漢主前

房興公走數千里爲其尊公貞靖先生求傳誌勒石于其將歸戴生作廬墓圖送之余有感焉因換

### 長歌贈別

二十年前舊弟兄一春同醉揚州城賦手已爲唐進士素心獨重魯諸生看君作客不言苦說到先公淚如雨臨危不愧鼎湖臣多難偏遭米脂轄王西樵曰達成莫故實句甚老辣莫言賓客徒紛紛董狐一革良辛勤登臺豈少謝翱哭表墓何勞陳壽文更逢父執先長跪黃泉能得幾知已仁者贈人惟一言死交騎馬曾千里常州薛公久入山宋老人爲爲逢孝子門不關中郎下筆嘗多愧有道爲人



那易攀草成亟請宣城叟

唐叟撰

忍寒作楷不停手銘

因于野更堪哀書彷彿歐陽真不苟重價購石任囊空一

片韓陵淚眼中所期石匠名借永此與黨人碑不同丹

青更有戴生好不爲阿堵寫懷抱於愀染罷欲問雷衣

冠拜處少鳴易爾載此石早歸秦還展此圖雨雪晨小

宛只宜勸兄弟參我休更廢門人

王西樵曰通

三磨蝎圖詩

用上達王幼華進士爲余推命四合退之于曉及余小像爲一圖

上天生我竟何意倏忽年過四十四長貧且讀古人書

垂老厭聞今世事退之于瞻人所師高名千載無軒輊

受命本同磨蝎宮當時坎塹安足異一謫潮州一海外

朝廷於汝如兒戲但能天上友星辰肯向人間諂魑魅

愚生更苦遭喪亂東西奔走多憂惴衣食之外及詩書  
頗學兩公竊長喟忽遇王生來故鄉自言知命兼博識  
爲余推測費沉思細看星斗分躔次乍駭還疑復大呌  
君與韓蘓真氣類愈生之辰月宿斗唐詩可據有數字  
東坡年譜世其知大月當斗逢豈易命宮相合頗紛紛  
五行或受傷尅累始知造物誠多吝不許文人滿天地  
君今星度正同之無怪詞場驚腹笥我聞此語重徬徨  
蜉蝣安敢並磊磊韓爲吏部蘓翰林我一布衣嘗荷蕢  
君言毋乃坐相欺不然鬼神睇擬議王生大笑意渙然  
月當午時理所忌子瞻雖以那時降冬夜夜長人尙寐  
吁嗟萬事皆天定誰謂貴賤能自致高車駟馬憂方大

魯連寧可肆吾志若使我生月當夜一官應只取顛顚  
請看古今三磨蝎竟有一人長爛醉王西樵曰竟愈于雨公矣王生  
何如昔季主我題此圖或不愧

題扇上俞雪朗所畫江南山水圖奉酬王正子送  
予之屯留長句甲辰

我是關中舊酒徒全家避亂來江都此邦南北之衝衢  
相顧草堂多鴻儒文章不救飢寒軀歲歲掛帆江與湖  
雖然奔走顏色枯眼看山水樂有餘夜泊廟門聞啼烏  
橋邊酒家女當壚醉聽隣船唱鷓鴣江南樂事輸姑蘇  
王阮亭曰洞庭漁人一何愚風雨不知惜肌膚近午打  
字字可西魚聲喧呼前驚白鷺後飛鳬可憐村農更勤劬小艇又

泥泥最汚景物此時觸老夫苦搜佳句忘客途孟嘗平  
原今有無空手歸來愁妻孥贏得清夢遶孤蘆此事語  
人人謂迂今者舍舟思登車有兄遠仕新寄書屯留乃  
在山一隅但飲葡萄小尊鱸王郎送我心躊躇惠以長  
句勝隨珠知我眷戀江上漁更索俞生書作圖他時相  
見吾友于但道王郎美丈夫若憶舊遊問吳趨南中亦  
見吾友于但道王郎美丈夫若憶舊遊問吳趨  
遊請示此書非模糊王阮亭曰天真爛漫老筆舒披此  
等詩自無干美手耶頗頗上下矣

留別錢退山

時敘儀二子從學

生男少似陶淵明傳家難及韋玄成飄零一身走遠道  
臨去再拜錢先生先生亦是同志者相逢却憶吳山下  
入夜杯闌哭鵝鵠臨江詩就吟白馬可憐壯士竟無家

隨身書卷卽生涯但向琴中追樞帥何曾門下得侯芭  
忽到邊城作書記主人原不重文字陳琳阮瑀敢自矜  
枳棘鸞鳳且相避還歸海縣過揚州便問故人孫仲謀  
小兒出見衣襤褸深樽忽盡話綢繆先生令族敦古道  
先生更愛阿咸好雖授一經最苦辛能反三黜免煩惱  
以此羈栖又一年過從晨夕獨纏綿家禽實遜神童慧  
凡鳥翻蒙長者憐諸子尊師吾敬友蔬盤但能剪春韭  
薄行束脩君不嗔若言鷄黍家何有家兄近日幸屯留  
寄書喚弟須遠投楊朱敢泣南北路陸機要對東西樓  
只是平生厭離別况視膝前復頽劣孝先縱不夢周公  
宗武安能希十哲出門且讀贈行詩難逢無恙是荆枝

請看鄞縣錢高士說到堦簾淚便垂有子賢愚苦相囑  
君休笑我不達爲

陸放翁研歌爲畢載積題

道士泐邊日將落漁人網重心最樂

王西樵曰此起不  
功於其年作

不

聞撥刺轉堪疑到手且看石厚薄相逢未少讀書人得  
錢勝賣三尺鱗携硯歸來贈畢卓龜頭大叫驚西降老

友如從劍南至上鐫心太平巷字放翁不止是詩人酒

罷淒涼南宋事揮毫意氣凌千秋天不懼寒無淒

詩體在机寒外  
學古得全功

曉嘆一篇情具見後人展誦淚長流

石相隨到西蜀洗滌坐臨江水綠只今湮沉幾百年却

與漁家換斗粟古來得失何事無金銅仙人來覬都紫

馬楚弓那足問船中書畫聊自娛世間正貴豐城劍笑  
君癖愛江底硯可憐情性與時違夜夜名流滿高宴何  
人把玩最歔歔白髮西京老布衣

雪中憶吳賓賢

故人有茶癖不合生長海之涯積雪寒如此妻兒乞米  
向誰家高賢受餓亦尋嘗且復烹雪賞梅花平生不識  
孟諫識何人爲寄川團茶

題梨園圖

家住廣陵城來往姑蘇與金陵吳宮歌舞竟何在陳主  
風流亦莫憑商女猶傳後庭曲詞客空將白紵續亡國  
從來事畧同無如行樂光陰促畫師日午來相呼西隣

同看梨園圖兼請長歌題卷後對此感慨誰能無揮毫  
任意語言麤胸中先着陳與吳月宮乃有人間路微倖  
明皇得上去霓裳曲好記偏真惡召諸伶天已曙寒食  
纔過清明來梨花如雪滿園開弟子教成月娥笑能得  
花前聽幾回漁陽塵起晝昏黑鳳輦西行諸將力忍哉  
坐視美人死千秋爲爾傷心極東歸暮景更淒涼雨打  
梧桐秋夜長當時弟子頭全白此身亦作太上皇秋去  
春來愁似海惟有梨花色不改得見此花幸已多樂極  
悲生君莫悔君不見堯爲天子曾微行葵葵乃是田鼓  
聲口唱耕田鑿井歌帝心聞之喜且驚或言堯幽囚舜  
野死獨自愁苦胡爲爾細思此言亦有理君不見烈皇



臧膳撤樂萬方傳享祚空悲十七年

題李陵蘓武泣別圖

八尺李陵馬雙輪蘓武車何以贈別五言詩他日相寄  
一封書明知毋要被誅戮書中不必及里閭但道君歸  
蒙上賞近來榮貴又何如

客句容五歌

天下英雄今老矣却向侯門跋珠履憶昔年纔十五時  
平脉青雲如足底白面紅顏騎駿駒道旁相問誰家子  
承平卿相多庸碌後來世事竟如此邵禹馮異是何人  
書生對爾羞欲死亂餘作客邗水邊揮擲黃金亦偶然  
青樓且博佳人笑安能久活從神仙求死不得求貧得

轉因男女生憂煎奔走風塵懷抱苦誰能早給買山錢  
嗚呼一歌分歌主客肥肉大酒竟何益

去年看春廣陵城富商大估多逢迎今年看春句容縣  
牧童村父何猗猗衣裳襤褸風俗儉此中豈宜遊子行  
歸坐道房淚盈把田園荒蕪胡爲者謀生也羨牧雞豚  
誅求只恐慙戎馬年年空手入門來嬌兒索飯啼聲啞  
嗚呼二歌分歌春風芒神怪我走西東

甲辰三冬無雪雨道房几案多塵土葛翁煉丹井已乾  
安得寓居近洲渚與客山城心暫開泉流清照浣衣女  
可惜囊中無一錢忍渴空過茶肆前寒暖失時劇可憂  
藥物貧家那易求婦呻女吟常滿屋音書早晚慰白頭

嗚呼三歌兮歌聲怯人命危如秋葉

吾兄遠仕屯留縣書來怪我遲相見艱難行李費躊躇  
簷外梅花開又過雙眼初昏頭益白他時那得身長健  
弟姪傳聞在署中清廉未必美看牒不道爲官家更貧  
明知多被友朋嗔紛紛請看上陽堡白草黃沙愁殺人  
俸金特寄雖無幾能無憂懼勞心神嗚呼四歌兮歌欲  
泣同氣不教同緩急

平生自哂愚且癡出門寸步迷所之雍容車騎吾何有  
惟一老僕同奔馳昨復遣汝江頭去三更不寐烈風吹  
遙遙百里累筋力貽書當路者誰深陽陞生磊落人  
歸途爲我成羈遲奚童兼可憑驅役捉壺掃榻無不爲

主人能忠使能勤焉識吾心潛苦悲嗚呼五歌兮歌聲  
靜孤燈今夜愁形影

句容遇顏含章請予題二顏公祠

萬古傷心天寶年顏公兄弟真二難常山舉義第八日  
可憐空竭一寸丹豈是呆卿少兵畧如何功烈竟不完  
國棄諫臣天心怒朝無宰相民力殫那得鬼神助忠武  
徒令史筆增浩嘆兄雖身陷弟猶在同時李郭皆桓桓  
王孫喜出延秋門平原始得尙書官赦書到卽馳江淮  
事成豈不繇蠟九後來君父屢蒙塵未聞宵小戒朝端  
名震三朝太抗直年過七十但躊躇殺公者杞非希烈  
不如荆棘損芝蘭身作使臣歲復歲生死何曾間金鑾

五表徒入一不報歸鴻到耳聲悲酸僞使公然發大梁  
門差坐視烹鳳鸞未荷生前賞勲業寧勞死後葬衣冠  
往事足爲後王鑒遺禍誰無清淚彈入公之賢裔名有  
光請我題詩涕洟瀾我聞忠臣不可爲亂世寧甘守釣  
竿或尋神仙求大藥或隨老衲坐蒲團君若疑予詞太  
激請看庸君心所欲藍面險于山噴吼不是天憐節義  
人安得遺首梁非幹

張孝子詩

孝子名清雅  
潯山縣人

嗚呼孝子有幸不幸濟綜救父命獨何求我讀南史淚  
下如縷一賊有義衆聽其請曰殺孝賢不爲威猛自古  
及今賊性異乘禍如清雅天道難省崇禎十年寇勢方

逞城居者多村中人靜八十老人西山日影卧病已久  
危在俄頃戶外殺人如殺鷄豚子抱父屍哭聲爲吞賊  
旣入門乃亦有恩擁屍就木如助親隣曰後來者不如  
吾賢子如居此禍不可言君語其兒更誠其僕父肉未  
寒火將及屋汝宜速逃我當守哭賊幸見憐庶止回祿  
僕名雲滿年七十餘跪告主人去將焉如煮茶待賊以  
活主軀死則同死勿慮老奴語猶未畢賊更至君向屋  
梁且潛避賊旣大索不得君便欲開棺忍奮臂雲滿捧  
茶但叩頭賊方拔刀君墜地兩手覆棺手先斷血濺賊  
身賊益悲幼兒名地方匿厠舍中出厠泣求身代翁嗚  
呼父子竟不免是日雲昏天大風屋中賊去火旋發雲

滿登牆救火滅三日相傳賊盡行隣人稍稍返柴荆乞棺殮主長哀號從茲孝烈聞通城

汪夏巖招同爾止湛若次功令弟舟次叔定季用泛舟城西值河水初漲乙巳

汪生高趣嘗自許一見勝流忘爾汝不言月下喜開樽但道船中堪避暑雨聲半月不曾無今朝歡喜到羣鳬丹青况有倪黃手便可相煩作畫圖

湛若  
善畫

六月荷花香復鮮樓臺何處不可憐近岸忽添水一丈漁翁失色蛟龍前老夫慣作江湖客笑聽風濤意灑然座中豈少謝安石便輕開口勸回船

故鄉風景亦不惡平生未得見漢陂一臥江城歲復歲

變化頭毛如鷲鷲暮景但愁減酒盞家山誰能無別離  
況遇主人能作達岑參兄弟未爲奇

方老久家桃葉渡勸人祇合蕪城住李白杜牧皆奇才  
關雎臺望鳳凰臺君言那顧歸地下舊京來往少風雅  
俊人今日滿維揚我獨何幸客此鄉

揚州女兒意態多日中流採菱荷簫聲將發待明月  
風急船回奈爾何片時惆悵復無益諸君笑我頭全白  
苦遭喪亂喜繁華此地當年厭金華

題方爾止四子圖

龔山攻詩三十載老來作事何凝顛不願左揖安期袖  
不願右拍洪崖肩但願論文遇陶叟更招杜白坐兩邊



工部請吟收京作太傅請書諷諭篇楊柳未衰身在宅  
菊花纔香客送錢古今怪事無不有西人同生壬子年  
豈無崔相與劉郎自詩何事同生壬子崔相及劉郎彼雖同庚非高  
賢性情已向卷中得像貌兼求畫裏傳丹青無如戴蒼  
好位置不敢亂後先列坐宛如師弟子向往何妨爲執  
鞭世人尊杜或嗤白論山大笑看青人王楊盧駱皆千  
古何況白詩近自然我命偶合韓與蘓三磨竭圖壁新  
懸他時得共四子子觀者一例增流連王西庶曰韓蘇  
皆周益公兄也成居上周子中生於乙巳益公丙午減  
齋丁未郡人劉詩敏叔爲三毛圖今乃復有西壬減  
關更爲新奇致人共命偶合韓與蘓門語正與誠  
聲只道之韓同傳好後人畫點也慈人可並傳也

夏日寄題渭北草堂

草堂遠在清渭北說與吾兒今不識

王仇學日記手買

竹曾過渭川去有梅亦自終南得終南太華咫尺間我

昔年少美容顏房杜諸孫正來往僅餘一輩徒等閒客

來日暮休回首家僮頗足供奔走痛飲還餘蜀酒簡高

歌請擊秦人缶涼風六月滿清溪蛙聲鼓吹橋東西不

勞扇上圖勞易時復窓中讀馬蹄江南最怕花蚊惡兼

之襪襪多酬酢此時正想羲皇人自古妄言賈客樂忽

忽離鄉二十秋安得濯纓溪水頭牆上重看打聚婦田

間先訪種瓜侯

上西樵曰字字  
流從雅是合作

輓方退谷客死歷陽次州守楊仲延韻三首

羨門爲又安期賓我所思今古仙人更續輓詩同璚羅

白髮滿頭心自悟待餌丹砂年復年七尺如何常道路  
夜陪舞席燭花紅朝聞高士歸虛空泉臺那有青蓮並  
依舊聯吟對朔風

梁鴻夫婦敬如賓至樂無如貧賤人相戒出門慎風露  
死別生離曾不悟老來不合繡平原騎驢却走歷陽路  
輿輪歸去楓葉紅雞肥酒熟總惟空孤兒能說賢刺史  
方時勸麥舟猶應拜下風

方生非親復非衾與我交如同氣人相識廣陵肝膽露  
勸讀楞嚴生覺悟年今五十竟先歸黃泉本是老人路  
樓頭小妾顏尚紅我何長使錦衾空明朝便買江船去  
下水還愁少順風